



27. januar 2015

UPA 2015/119

Inatsisartut suliariaasianni § 33 naapertorlugu matumuuna aalajangiiffissatut siunnersuut imaattoq siunnersuutigaa:

Aningaasarsiat il.il. sulisartut sulisitsisullu akornanni tullianik isumaqatigiinniarnermut atasumik Naartunermi Erninermilu Aningaasaateqarfiliortoqarnissaanik siunertalimmik, Naalackersuisut suliniuteqarnissaannik Inatsisartuni aalajangiiffigisassatut siunnersuut. Naartunermi Erninermilu Aningaasaateqarfiup, sulinermik inuussutissarsiuteqartut aningaasatigut, massakkut ullormut pisartagaqarlutik atugaanniit, pitsaanerusumik atugaqalernissaat qulakkiissavaa.
(Inatsisartunut ilaasortaq Naaja Nathanielsen, Inuit Ataqatigiit)

Tunngavilersuut

Siunnersuut manna Inatsisartunut arlaleriarluni saqqummiunneqareerpoq. Ajuusaarnaraluartumilli piviusunngortinneqarianngitsoq qinersinissamik nalunaaruteqartoqararaaq. Neriuppunga massakkut naalackersuisooqatigiisusut upernaakkut 2014-imi isummernertik suli attatiinnassagaat, taamanimi siunnersuut manna kingullermik aalajangiunneqaralarpoq.

Siunnersuut manna nunatsinni ilaqtariinnut meerartalinnut suliffeqarfinnullu pingaaruteqartorujussuuvoq. Immaqa ingammik suliffeqarfinnut minnerusunut.

Meerartaarneq aningaasaqarniarnitsinnut annertuumik kinguneqartarpoq. Angajoqqaat amerlanerpaat inoorlaajutertik qaammatini siullerni pingaarutilinni ilagiumasarpaat, ullumikkulli ilaqtariippassuit erninermi sulinngiffissaqarsinnaanermut periarfissat tamakkiisumik iluaqtigissallugit akissaqarneq ajorput.

Tamanna anaanarpassuit ataatarpassuillu meerartaarnerup nalaani allatut ajornartumik ullormut pisartagaqalertariaqartarnerannik pissuteqarpoq, suliffimminnit erninerup nalaani sulinngiffeqarnerminni aningaasarsiaqarsinnaatitaannginnamik. Naartunermi Erninermilu Aningaasaateqarfiup angajoqqaanngorlaat pitsaanerusumik toqqissisimanarnerusumillu isertitaqalernissaat aqutissiuutissavaa.

Tamatuma saniatigut pisortat namminersortullu sulisorisamik meerartaarnerannut atatillugu sulinngiffeqarnerminni aningaasarsiaqarnissaannik neqeroorsinnaalissapput, akissarsiassat tamaasa namminneq akilinngikkaluarlugit. Naartunermi Erninermilu Aningaasaateqarfik taamaalilluni aamma sulisitsisunut iluaqutaassagaluarpoq.

Taamaammat isumaqarpunga suliassaq naammassiniartarialersoq. Nunani assigiinngitsuni naartunermi erninermilu aningaasaateqarfiit assigiinngiiaartumik

ilusilersugaapput. Nunat ilaanni tamanut atuuttunik aningaasaateqarfeqarpoq, sulisartut ataatsimut akissarsiassaannit aningaasalersugaasut. Allani aningaasaateqarfiit akileraaarutitsigut aningaasalersugaapput. Periuseq sorleq uagutsinnut naleqqunneq toqqassaneripput sulisartut, sulisitsisut Namminersorlutillu Oqartussat akornanni oqaloqatigiinnikkut misissuinikkullu aalajangerniartariaqarpoq. Aamma sulisartunit sulisitsisunillu imaluunniit Namminersorlutik Oqartussat aamma aningaasalersueqataassanersut eqqartorneqartussanut ilaassaaq.

Pisortanut aningaasaqarnikkut allaffissornikkullu kingunissai.

Annertuumik aningaasartuuteqarnerulernissaq aallaqqaammut ilimanaateqanngilaq, tassami siullermik isumaqatigiinniarnit aallartisarneqartussaammata.

Namminersorlutik inuussutissarsiortunut aningaasaqarnikkut allaffissornikkullu kingunissai.

Aningaasartuutissat killeqartorujussuussasut nalilerneqarpoq, aallaqqaataani isumaqatigiinniarnit aallarnisarneqartussaammata.

Innuttaasunut aningaasaqarnikkut allaffissornikkullu kingunissai.

Soqanngilaq